



## Universitätsbibliothek Paderborn

**Saxonia || Et || Metropolis || Alberti Crantzii || Historici  
Doctiss. Sacrae || Theologiae & Iuris Canonici Doctoris ||  
celeberrimi, ac Ecclesiæ Ham-||burgensis quondam  
Decani**

**Krantz, Albert**

**Coloniae, 1574**

Capvt Primvm.

**urn:nbn:de:hbz:466:1-11453**

SAXONIAE  
LIBER DECIMVS.  
TERTIVS.

CAPVT PRIMVM.



Aximilianus Austria Dux, iamdudum in occiduis partibus victor, cum post Francos intestina bella cunctos domuisse Flandrios, euocatur ab Imperatore patre Coloniam, cumq; eo profectus est Francfordiam ad couentum, quem idem pater indixerat principibus electoribus, vt de regenouo constitueretur : quæres iam ipsi duci inclimate ac propendere videbatur. Mutauit iam Fridericus sententiam, qui superioribus annis ea de re à principibus interpellatus, fertur respondisse : Filium nos nostrum proprius agnoscimus : scimus non esse rebus gerendis idoneum : Nec volebat vlla de re minùs, vt ferunt, audire, quam illa. Id siue ex sententia dixerit, siue quadam simulatione prætulerit, siue etiam magnum onus administrandi Imperij euiscerati filio auerterit, incertum est. Poterat tamen illum ad mutandam sententiam infletere, & maturior nunc ætas filij, & recens de hostibus victoria : Magno enim ore multorum efferebatur, quid sine paternis armis, sine amicorum ope, tantam in Gallos & Flandrios rem peregrisset : quanuis pro magnitudine hostilium virium, sat is erat vicisse, dum tantis armis non cederet. Igitur volentibus cunctis rex creatur Romano-

rum

rum Maximilianus anno sexto & octuagesimo post mil-  
le quadragecentos: exemplo Karoli IIII. recentiori, qui  
& ipse viuens filium sibi curauit regem substitui. Sed  
in hoc gloria Maximiliani maior, quod ibi pater Karo-  
lus ut proficeret, cælum fatigauit & terram, hic Fride-  
ricus ut fieri pateretur, vix potuit inflecti: Ibi nullis re-  
bus preclarè gestis & wentzlaus, incertum qualis rex  
futurus, assumitur: hic verò multis euectus victorij  
inclaruit. Inde verò Aquisgranum perductus nouus  
electus, magna omnium concurrentium principum ala-  
critate, multa nobilitatis frequentia, adhibitis, quos  
suprà ostendimus, magnificis apparatibus, per archie-  
piscopum Colonensem, cuius est ista prouincia, con-  
secratur rex Romanorum. Interea multi in Flandria  
Brugis caduntur gladio, alijs ære mulctantur, nonnul-  
li proscribuntur, tumultu omnia ciuili, quod ciues cor-  
reptis signis suis in forum armati per turmas prodi-  
erunt: ibique stantes, clamore suo vrgebant ad mor-  
tem quos volueré. Sed hac vice comes de Nassow  
rem gerebat pro rege. Creauerat enim illum rex vica-  
rium suū per absentiam. Dominus de Veris, quem extra  
Maximiliani gratiam agere diximus, filiam suam de-  
dit coniugem Philippo de Beueren, Antonij de Burgun-  
dia filio: ut per illum rediret in gratiam: nec est fru-  
stratus expectatione sua.

## CAPVT II.

**P**Er qua tempora in Anglia casò in acie Richardo  
rege, Henricus de Richemont comes, nepos per pa-  
rem Henrici regis VI. regnum acce pit, quod ho-  
diè tenet, cadentibus in acie cum Richardo qui suæ  
partis erant. In Cameraco interim inter iam duos re-  
ges Romanorum & Francie agebatur: congratulato-

Mm m 2 pex

